



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-7-2728-6/25– ME/ES

Tuzla, 19.01.2026. godine

Na osnovu člana 70. stav (1), (3) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Preporuke Komisije date u Zapisniku o pregledu i ocjeni ponuda broj: 03-11-7-2728-4/25– ME/ES od 14.01.2026. godine, donosi se

O D L U K A
o izboru najpovoljnijeg ponuđača
u postupku javne nabavke "Revizorske usluge"

Član 1.

Prihvata se preporuka Komisije, te se kao najpovoljniji ponuđač u postupku javne nabavke – "Revizorske usluge", bira ALFA REVIZIJA Banovići sa ukupnom cijenom ponude u iznosu od 10.000,00 KM bez PDV-a odnosno 11.700,00 KM sa PDV-om.

Član 2.

Ova Odluka dostavlja se svim ponuđačima koji su učestvovali u predmetnom postupku javne nabavke, u skladu sa članom 70. stav (2) Zakona o javnim nabavkama.

Član 3.

U skladu sa članom 70. stav (6) Zakona o javnim nabavkama, ova Odluka objavit će se na internet stranici Ugovornog organa (www.zzotk.ba) istovremeno s upućivanjem ponuđačima koji su učestvovali u postupku javne nabavke.

Član 4.

Odluka stupa na snagu danom donošenja.

OBRAZLOŽENJE

Postupak javne nabavke "Revizorske usluge", pokrenut je Odlukom o pokretanju postupka javne nabavke, broj: 03-11-7-2728-1/25 – ME/SA od 25.12.2025. godine.

Postupak javne nabavke se provodi putem konkurentskog zahtjeva za dostavu ponuda, za koji je u informacionom sistemu "e-nabavke", dana 25.12.2025. godine, objavljeno Obavještenje o nabavci, broj: 793-7-2-105-3-122/25.

Sažetak za obavještenje o nabavci je objavljeno u "Službenom glasniku BiH" broj: 1/26.

Rok za dostavljanje ponuda bio je 13.01.2026. godine, do 11:00 sati. Javno otvaranje ponuda održano je dana 13.01.2026. godine, u 11 sati i 30 minuta, u prostorijama Zavoda (Franjevačka broj 36., Tuzla).

Ponude za predmetnu nabavku, a u skladu sa kriterijem za dodjelu ugovora, su dostavili sljedeći ponuđači:

Redni broj koverte ponude	Naziv ponuđača	Omotnica sa ponudom ispravno zatvorena (DA / NE)	Podkriteriji koji se vrednuju unutar kriterija ekonomski najpovoljnija ponuda	Ponuđeni popust u KM
1.	AUDITING d.o.o. Sarajevo	DA	Cijena: 10.000 KM Broj sati utrošenih na revizijske radnje: 51 sat Broj sati utrošenih na izradu nacrt revizorskog izvještaja: 24 sata Broj sati utrošenih na konsultacije za otklanjanje grešaka: 24 sata Broj sati utrošenih na izradu konačnog revizorskog izvještaja: 51 sat	/
2.	ALFA REVIZIJA Banovići	DA	Cijena: 10.000 KM Broj sati utrošenih na revizijske radnje: 57 sati Broj sati utrošenih na izradu nacrt revizorskog izvještaja: 29 sata Broj sati utrošenih na konsultacije za otklanjanje grešaka: 24 sata Broj sati utrošenih na izradu konačnog revizorskog izvještaja: 40 sati	/
3.	BILANS d.o.o. Sarajevo	DA	Cijena: 10.000 KM Broj sati utrošenih na revizijske radnje: 40 sati Broj sati utrošenih na izradu nacrt revizorskog izvještaja: 24 sata Broj sati utrošenih na konsultacije za otklanjanje grešaka: 24 sata Broj sati utrošenih na izradu konačnog revizorskog izvještaja: 62 sata	/

Na osnovu Izvještaja o preuzimanju tenderske dokumentacije utvrđeno je da su ponuđači koji su dostavili svoju ponudu u predmetnom postupku preuzeli Tendersku dokumentaciju sa Portala javnih nabavki (e-nabavke).

Ponude ponuđača ALFA REVIZIJA Banovići i BILANS d.o.o. Sarajevo su ocijenjene kao prihvatljive, a ponuda ponuđača AUDITING d.o.o. Sarajevo kao NEPRIHVATLJIVA iz sljedećih razloga:

Tenderskom dokumentacijom je jasno i nedvosmisleno propisano da je, u situaciji kada je lice zaposleno kod ponuđača, pored ostalih traženih dokaza, potrebno dostaviti Potvrdu/Uvjerenje nadležne Porezne uprave da je lice zaposleno kod ponuđača ili drugi dokaz propisan zakonodavstvom zemlje u kojoj je ponuđač registrovan, dok je u situaciji kada se vrši angažman lica, potrebno dostaviti ugovor o angažmanu ili sličan dokument, odnosno dokument iz kojeg se može jasno i nedvosmisleno utvrditi angažovanje osobe koja ispunjava tražene uslove.

Uvidom u dostavljenu ponudu utvrđeno je da je ponuđač, u cilju dokazivanja ispunjenosti navedenog uslova, dostavio poreznu prijavu za dva revizora, dok za treće lice – vlasnika ponuđača koji je ujedno naveden kao ključni kadar (revizor – dostavljena licenca), nije dostavljen nijedan dokaz kojim bi se potvrdio njegov status zaposlenja ili angažmana kod ponuđača.

Ugovorni organ je ocijenio da dostavljena porezna prijava **ne predstavlja Potvrdu/Uvjerenje Porezne uprave da su navedena lica zaposlena kod ponuđača**, niti se može smatrati **drugim dokazom propisanim zakonodavstvom** koji bi na jasan i nedvosmislen način dokazivao postojanje radnog odnosa, s obzirom na to da porezna prijava isključivo potvrđuje obračun i/ili uplatu poreza i doprinosa, ali ne dokazuje pravni osnov angažovanja, vrstu radnog odnosa, trajanje zaposlenja niti status lica kod ponuđača na dan podnošenja ponude.

Također je utvrđeno da ponuđač **nije dostavio ugovor o angažmanu ili drugi odgovarajući dokument** iz kojeg bi se moglo jasno utvrditi da su navedena lica angažovana kod ponuđača u skladu sa uslovima iz tenderske dokumentacije.

Posebno se ističe da činjenica da je određeno lice vlasnik ponuđača **ne podrazumijeva automatski postojanje radnog odnosa**, niti može predstavljati dokaz raspoloživosti kadra u smislu zahtjeva iz tenderske dokumentacije, bez postojanja formalnog i dokazivog pravnog osnova zaposlenja ili angažmana.

Shodno navedenom, Ugovorni organ je utvrdio da ponuđač **nije dokazao ispunjenost uslova u pogledu kadrovske sposobnosti**, kako je to izričito propisano tenderskom dokumentacijom, te da dostavljena dokumentacija **nije u skladu sa traženim dokazima**. Iz navedenog razloga, ponuda ponuđača AUDITING d.o.o. Sarajevo se ocjenjuje kao **neprihvatljiva**, jer ponuđač nije dokazao ispunjavanje propisanih kvalifikacionih uslova.

Kriterij za dodjelu Ugovora je ekonomski najpovoljnija ponuda:

➤ Podkriterij:

Cijena	15%
Broj sati utrošenih na revizijske radnje.....	30%
Broj sati utrošenih na izradu nacrt revizorskog izvještaja.....	15%
Broj sati utrošenih na konsultacije za otklanjanje grešaka.....	10%
Broj sati utrošenih na izradu konačnog revizorskog izvještaja...	30%

BODOVANJE:

❖ Cijena ponude

1. ALFA REVIZIJA Banovići – 15 bodova (cijena ponude 10.000,00 KM)
2. BILANS d.o.o. Sarajevo – 15 bodova (cijena ponude 10.000,00 KM)

❖ Broj sati utrošenih na revizijske radnje:

1. ALFA REVIZIJA Banovići – 30,00 bodova (broj sati 57,00)
2. BILANS d.o.o. Sarajevo – 21,05 bodova (broj sati 40,00)

❖ Broj sati utrošenih na izradu nacrt revizorskog izvještaja:

1. ALFA REVIZIJA Banovići – 15,00 bodova (broj sati 29,00)
2. BILANS d.o.o. Sarajevo – 12,41 bodova (broj sati 24,00)

❖ Broj sati utrošenih na konsultacije za otklanjanje grešaka:

1. ALFA REVIZIJA Banovići – 10,00 bodova (broj sati 24,00)
2. BILANS d.o.o. Sarajevo – 10,00 bodova (broj sati 24,00)

❖ Broj sati utrošenih na izradu konačnog revizorskog izvještaja:

1. ALFA REVIZIJA Banovići – 19,35 bodova (broj sati 40,00)
2. BILANS d.o.o. Sarajevo – 30,00 bodova (broj sati 62,00)

Rangiranje prihvatljivih ponuda prema kriteriju za izbor ponude:

Rangiranje	Naziv ponuđača	UKUPNO BODOVA
1.	ALFA REVIZIJA Banovići	89,35
2.	BILANS d.o.o. Sarajevo	88,47

Nakon pregleda i ocjene ponuda, sačinjen je Zapisnik o pregledu i ocjeni ponuda broj: 03-11-7-2728-4/25 od 14.01.2026. godine, koji sadrži sve elemente i obrazloženja u vezi pregleda i ocjene ponuda dostavljenih u ovom postupku javne nabavke, kao i Preporuku Komisije ovom Ugovornom organu da u skladu sa odredbama Zakona o javnim nabavkama, podzakonskim aktima i općim aktima Zavoda, kriterijem za dodjelu ugovora, izabere ponudu ponuđača ALFA REVIZIJA Banovići sa ukupnom cijenom ponude u iznosu od 10.000,00 KM bez PDV-a odnosno 11.700,00 KM sa PDV-om.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. U postupku je procijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir sve naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU: Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od pet (5) dana od dana prijema ove Odluke.

Dostavljeno:

1. Ponuđačima (s dostavnicom)
2. a/a



DIREKTOR

Doc.dr.sc. Denis Husić, dipl. pravnik